



Page: 2

Reach: 50000

Country: BOSNIA AND HERZEGOVINA

Size: 487 cm2

1 / 1

**ŠOKANTNO** Napad u Rajlovcu je udar na državu, pokrenuti pretresi i saslušanja

# Tužilaštvo BiH: Ubistvo vojnika je terorizam!

Vidjet ćemo dokle ćemo uspjeti raskrinkati sve što se desilo i ko sve stoji iza ovoga, kaže tužilac Mihajlović za "Avaz" • Na razgovoru osobe koje mogu pomoći policiji

Napad i ubistvo vojnika Oružanih snaga BiH, koje je počinio Enes Omeragić, a zatim se raznio eksplozivnom napravom, okvalificirano je kao krivično djelo terorizam, a daljnjom istragom bit će utvrđene sve okolnosti vezane za počinioca ovog krivičnog djela, njegove eventualne pomagače, kao i motiv, saopćeno je jučer rano iz Tužilaštva BiH, koje je preuzelo istragu zajedno s kolegama iz Tužilaštva Kantona Sarajeva.


Šokantni napad na vojnika u kladionici, a potom i autobus gradskog saobraćaja podigao je zemlju na noge, a iz Tužilaštva tvrde da su pokrenuli op-

sežnu istragu. Kako saznaje "Avaz", nekoliko osoba je već bilo na informativnom razgovoru.

## Istraga se nastavlja

Tužilaštvo BiH intenzivno nastavlja istražne aktivnosti zajedno sa svim policijskim i sigurnosnim agencijama, s ciljem utvrđivanja svih okolnosti ovog krivičnog djela i njegovog počinioca, saopćeno je, a Božo Mihajlović, zamjenik glavnog tužioca Tužilaštva BiH, rekao je jučer u izjavi za "Dnevni avaz" da se istraga nastavlja.

- Nekoliko osoba je bilo na informativnom razgovoru, a riječ je o osobama



Sokolje jučer: Uvidaj trajao satima

koje nam mogu dati određene informacije. To su naše operativne radnje.

Uglavnom, ovaj smo napad okarakterisali kao teroristički čin prema BiH. Idemo dalje pa ćemo vidjeti dokle ćemo uspjeti raskrinkati sve što se desilo i ko sve stoji iza ovoga. Treba sve sačekati. Mi radimo svoj posao - rekao je Mihajlović.

## Troje tužilaca

Boris Grubešić, portparol Tužilaštva BiH, rekao je da ova institucija intenzivno nastavlja istražne aktiv-

nosti zajedno sa svim policijskim i sigurnosnim agencijama, s ciljem utvrđivanja svih okolnosti ovog krivičnog djela i njegovog počinioca.

Saznajemo da istragom rukovodi troje tužilaca, državni Dubravko Čampara i Džermin Pašić te kantonalna tužiteljica Željka Radovanović. U istragu su uključeni i pripadnici Državne agencije za istrage i zaštitu (SIPA) te MUP-a KS. **M.AŠČIĆ**

## Pretresena Mecina kuća

SIPA je jučer saslušala nekoliko osoba, među kojima su i Omeragićev zet Muhamed Meco te nekoliko članova Omeragićeve obitelji.

SIPA je pretresla i Mecinu kuću na Vratniku, odakle je izuzeta određena

dokumentacija.

Kada je u pitanju kuća Omeragića, uvidaj su i jučer obavili pripadnici MUP-a KS i SIPA-e.

Kuća Omeragića je bila ograđena žutom trakom, a policijski službenici nakon osam sati, koliko je trajao

uvidaj, iznijeli su dokazni materijal.

Tokom pretrage pregledavali su cijelo dvorište, ulicu iz koje je došao nakon što je počinio dva ubistva, žbunje, Golf 2, koji je bio parkiran u garaži...

**OMERAGIĆ:**  
Raznio se  
eksplozivom

